



XUNTA DE GALICIA

CONSELLERÍA DE
CULTURA E TURISMO

galicia

CONVENIO DE COLABORACIÓN ENTRE A CONSELLERÍA DE CULTURA E TURISMO DA XUNTA DE GALICIA E A COMUNIDADE CISTERCIENSE DO DIVINO SALVADOR DE FERREIRA DA PANTÓN PARA A POSTA A DISPOSICIÓN DOS TERREOS E INMOBLES NECESARIOS PARA A EXECUCIÓN DAS OBRAS DE RESTAURACIÓN DA PLANTA BAIXA DA CASA DO CAPELÁN DO MOSTEIRO DE FERREIRA DE PANTÓN, LUGO

Santiago de Compostela, 08 OUT. 2018

REUNIDOS

Dunha parte, D. Román Rodríguez González, actuando en representación da Consellería de Cultura e Turismo, en virtude do seu cargo de conselleiro, en exercicio das facultades que lle confire o artigo 34 da Lei 1/1983, de 22 de febreiro, reguladora da Xunta e da súa Presidencia, así como o artigo 2º da Resolución de 8 de abril de 1991, pola que se fai público o acordo do Consello da Xunta de Galicia de 27 de marzo de 1991 sobre convenios de cooperación con outros entes públicos e de colaboración con particulares.

Doutra, Dona Teresa Marcos Martínez, actuando en representación da Comunidade Cisterciense do Divino Salvador de Ferreira de Pantón, en virtude da súa condición de abadesa.

Todas as partes teñen plena capacidade para levar adiante o presente convenio de cooperación e por tanto,

EXPOÑEN

PRIMEIRO: Que a Xunta de Galicia asume a xestión das funcións sobre o patrimonio cultural en virtude do Real decreto 2434/1982, do 24 de xullo, sobre traspaso de funcións do Estado á Comunidade Autónoma de Galicia en materia de cultura, de acordo co establecido no artigo 27.18 do Estatuto de Autonomía, en consonancia co estipulado no artigo 148.1.16 da Constitución Española, ámbito desenvolvido na Lei 8/1995, do 30 de outubro, do patrimonio cultural de Galicia.

SEGUNDO: Que conforme o artigo 4º do "Convenio de Colaboración entre os bispos das dioceses que comprenden o territorio da Comunidade Autónoma de Galicia e a Xunta de Galicia, co fin de garantir a conservación e fomentar ou promover o enriquecemento do patrimonio artístico e documental da Igrexa", formalizado polo "Acordo marco entre a Xunta de Galicia e os Bispos das dioceses que comprende o territorio da Comunidade Autónoma de Galicia" asinado o 17 de abril de 1985, a Xunta de Galicia conforme as súas dotacións orzamentarias, asume o compromiso de contribuír ás necesidades de conservación, mellora e adecuada protección do patrimonio artístico

Teresa Marcos Martínez



XUNTA DE GALICIA

CONSELLERÍA DE
CULTURA E TURISMO

galicia

e histórico propiedade da Igrexa Católica, así como de subvencionar ou dotar, no seu caso, os convenientes medios persoais e técnicos para a súa eficiente utilización pública.

TERCEIRO: Que a Igrexa Católica e á titular do seu patrimonio histórico, artístico e documental, que se pon a servizo da sociedade, titularidade que, a tenor da Constitución Española e do Estatuto de Autonomía de Galicia e do resto da lexislación aplicable, a Xunta de Galicia recoñece, así como a súa natureza e finalidade relixiosa e o uso relixioso dos mesmos que se desenvolve de forma compatible coa función cultural que posúe o devandito patrimonio.

CUARTO: O mosteiro de Santa María de Ferreira de Pantón, primeiro beneditino, logo cisterciense, sempre reservado a mulleres, conta coa peculiaridade de ser o único en toda Galicia que conservou a súa función dende a súa creación ata o presente. Conta dende o ano 1975 coa declaración de ben de interese cultural (BIC) coa categoría de monumento.

O recinto monástico está rodeado duns altos muros con acceso a través dunha ampla portada do século XVIII. No seu interior atopamos tres partes ben diferenciadas: a igrexa, o claustro e as dependencias barrocas.

QUINTO: Na actualidade diversos espazos do conxunto como son a antiga hospedaría, a casa do capelán, a torre barroca e a planta baixa da ala leste do mosteiro están en desuso. Coa finalidade de dar un uso de hospedaxe a estes espazos, preténdese realizar unha serie de actuacións para a súa restauración, posta en valor, conservación, mantemento e rehabilitación de xeito que sexa posible a súa utilización como un recurso cultural e turístico posto a disposición da cidadanía.

Por todo o exposto, as partes acordan subscribir un convenio de colaboración baseado nas seguintes

CLÁUSULAS

PRIMEIRA.- OBXECTO DO CONVENIO

O obxecto do presente convenio de colaboración é regular as bases de colaboración entre a Xunta de Galicia, a través da súa Consellería de Cultura e Turismo, e a Comunidade Cisterciense do Divino Salvador de Ferreira de Pantón, para a **posta a disposición dos terreos e inmobles necesarios para a execución das actuacións de restauración da planta baixa da casa do capelán do mosteiro de Ferreira de Pantón, Lugo.**

Para o desenvolvemento deste proxecto non é posible promover a concorrencia pública, xa que as actuacións previstas para o mosteiro de Ferreira de Pantón, van evitar que continúe deteriorándose este ben e polo tanto impedirán que se produza unha perda irrecuperable para o patrimonio cultural galego. Por outra banda, as intervencións obxecto do presente convenio están

Teresa Marcos Martínez



XUNTA DE GALICIA

CONSELLERÍA DE
CULTURA E TURISMO

galicia

incluídas no *Plan estratéxico para a protección e conservación do patrimonio cultural de Galicia* da Dirección Xeral do Patrimonio Cultural, dentro do obxectivo operativo *Conservar o patrimonio cultural galego*, que inclúe actuacións en catedrais, mosteiros, conventos, abadías, igrexas e patrimonio eclesiástico galego.

SEGUNDA.- OBRIGAS DA CONSELLERÍA DE CULTURA E TURISMO

A Consellería de Cultura e Turismo da Xunta de Galicia, dentro das liñas de actuación que en materia de protección, conservación e posta en valor do patrimonio cultural, están sinaladas no seu programa de obxectivos, realizará as actuacións oportunas para a execución das actuacións de restauración da planta baixa da casa do capelán do mosteiro de Ferreira de Pantón, con cargo aos orzamentos xerais da Comunidade Autónoma de Galicia en función das súas dispoñibilidades económicas e en consonancia co disposto nos artigos 1 e 3 do Decreto 246/1992 da Consellería de Economía e Facenda (DOG núm. 159 do 17 de agosto de 1992).

TERCEIRA.- OBRIGAS DA COMUNIDADE CISTERCIENSE DO DIVINO SALVADOR DE FERREIRA DE PANTÓN

Pola súa banda, a Comunidade Cisterciense do Divino Salvador de Ferreira de Pantón comprométese a autorizar a plena e libre dispoñibilidade dos inmobles necesarios a favor da Consellería de Cultura e Turismo para que esta poida acometer a execución das actuacións obxecto do presente convenio.

Unha vez rematados os traballos, a entidade titular asumirá a xestión, mantemento e conservación dos inmobles dos que sexa titular. Para estes efectos, unha vez recibidos os traballos pola Consellería de Cultura e Turismo, poñerá no seu coñecemento, entendéndose que a citada comunicación determina o nacemento das obrigas previstas nesta cláusula.

CUARTA.- COMISIÓN PARITARIA

Coa finalidade de asegurar o cumprimento do presente convenio, créase unha comisión mixta de seguimento e control, integrada por dous membros de cada unha das partes. Esta comisión será a encargada de solucionar as controversias que se poidan suscitar na interpretación do convenio.

QUINTA.- RESOLUCIÓN

O presente convenio resolverase polo incumprimento total ou parcial dalgunha das cláusulas que o regulan.

Teresa Marcos Martínez



XUNTA DE GALICIA

CONSELLERÍA DE
CULTURA E TURISMO

galicia

SEXTA.- VIXENCIA

O presente convenio entrará en vigor o día da súa sinatura e estará vixente ata a completa finalización das obras a realizar sobre os inmobles obxecto da posta a disposición. En calquera caso, a duración do presente convenio será determinada e non superior aos catro anos, salvo que normativamente se prevea un prazo superior, de acordo co artigo 49.1 da Lei 40/2015, de 1 de outubro, de Réxime Xurídico do Sector Público.

SÉTIMA: NOTIFICACIÓN ELECTRÓNICA

Segundo o artigo 14.2 da Lei 39/2015, do 1 de outubro, do procedemento administrativo común das Administracións Públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

OITAVA: PUBLICIDADE

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Comunidade Cisterciense do Divino Salvador de Ferreira de Pantón acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

Teresa
Marcos
Martínez



XUNTA DE GALICIA

CONSELLERÍA DE
CULTURA E TURISMO

galicia

NOVENA.- RÉXIME XURÍDICO

Este convenio ten natureza administrativa. As cuestións litixiosas xurdidas da aplicación do presente convenio, e non resoltas en vía administrativa, serán resoltas pola xurisdición contencioso-administrativa.

E en proba de conformidade cos termos do presente convenio, as partes comparecentes asínano e rubricano por duplicado exemplar no lugar e data expresados.

O conselleiro de Cultura e Turismo



Román Rodríguez González

A abadesa da Comunidade Cisterciense do
Divino Salvador de Ferreira de Pantón

Teresa Marcos Martínez

